

UVOD

Evropska unija je specifična organizacija evropskih država, koja je do do 2004.godine brojala 15 zapadnoevropskih država:Austrija, Belgija, Danska, Finska, Francuska,Grčka, Holandija, Irska, Italija, Luksemburg, Njemačka, Portugalija, Španija, Švedska i Velika Britanija.Ovoj zajednici petnaestorice 2004. godine pristupio je još deset zemalja:Mađarska, Poljska, Češka, Slovačka, Litvanija, Letonija, Estonija, Slovenija, Kipar i Malta, a do 2007. godine Rumunija i Bugarska će biti članice ove evropske institucije.

Zajednica petnaestorice bila je povezana na troslojan način:

- *kroz povezivanje i saradnju tri evropske zajednice:*

- a.) Evropska zajednica za uglj i čelik (CECA), osnovana 18. aprila 1951. godine

- b.) Evropska ekonomska zajednica (EEZ)¹, osnovana 25. marta 1957. godine i

- c.) Evropska zajednica za atomsku energiju(EVROATOM), osnovana 25. marta 1956. godine.

- *kroz saradnju i zajedničko vođenje spoljne i bezbjednosne politike* potvrđivanjem svoga identiteta na međunarodnom planu, uspostavljanjem ekonomske i monetarne unije, stvaranjem jedinstvenog ekonomskog prostora bez unutrašnjih granica i jačanjem privredne i društvene kohezije među državama članicama.

- *kroz saradnju u oblasti pravosuđa i unutrašnjih poslova* zajedničkim i jedinstvenim uređivanjem pitanja iz tih oblasti, zaključivanjem regionalnih multilateralnih umjesto bilateralnih, međunarodnih ugovora, jedinstvenim rješavanjem pitanja prelaska granica u Evropskoj uniji, viza, imigracije, azila, formiranjem zajednice

evropske policije (EUROPOL) radi suzbijanja natežih oblika međunarodnog kriminala u vezi s ratnim zločinima, prometa oružja i droge i finansijskih malverzacija (pranje novca).

Evropska unija, za sada, nema svojstvo pravnog lica tako da su članice zadržale svoj međunarodnopravni subjektivitet.